

九江府志卷四十

隱逸

德化

晉

翟

湯

字道深篤行廉讓不肖世事耕而後食人有餽贈雖釜  
庾之物一無所受名德著於遠近永嘉喪亂羣盜不犯  
其家隱居縣境南山始安太守于寶與湯通家遣船餉之戒  
吏致書訖即委船還不使得辭湯乃以所餉易絹寄之寶益  
媿歎咸康中征西大將軍庾亮上疏薦之成帝徵為國子博  
士不起康帝復以散騎常侍徵湯湯固辭年七十三卒於家  
庾亮為文贊之曰蚪蟠玉津鳳  
耿瓊條滌耳夏鼎高揖唐朝

翟

莊

字祖休湯之子也少以孝友著名遵湯之操不交人物  
惟以弋釣為事既長不復弋獵或問弋釣同是害生先

九江府志

卷四十

人物

隱逸

德化

一

生何獨罷獵答曰獵自我釣自物未能頓盡故先節其甚者  
晚節端居葦門蠶菽飲水州郡禮命公車徵聘並不就子矯  
孫法賜俱有高操法賜少不事家業立屋于廬山頂喪親後  
不復還家不食五穀以獸皮結草為衣鄉親中表皆莫得見  
州辟主簿舉秀才右參軍著作佐郎員外散騎侍郎並不就  
後家人至石室尋求因復遠徙潯陽太守鄧文子表曰奉詔  
書徵郡民新除著作佐郎南陽翟法賜補員外散騎侍郎法  
賜隱跡廬山于今四世棲身幽崖人罕見者如當逼以王憲  
束以嚴科馳山獵草以期禽獲慮致  
顛隕有傷盛化乃止後卒崖石間

陶

淡

字處靖太尉陶侃之孫也幼而孤好導養之術年十五  
六便服食絕穀不娶家累千金僮客百數淡並無所營  
問頗好讀易善卜筮于長沙臨湘山中結廬而居養一白鹿  
以自隨親故有來候者輒移漉濁水莫得而近之州舉秀才  
淡遂轉逃羅縣埋  
山中終身不返

張

野

字萊民徙居潯陽柴桑與陶淵明有婚姻之契學兼華  
梵善屬文舉秀才府功曹州治中後徵為散騎常侍俱



不就躬耕樂道與世無營。性篤孝友一庾之粟一味之甘與眾共之。其田宅子弟入匡廬山師釋慧遠與劉遺民雷次宗同修淨業。所味釋典及遠公卒謝靈運為碑銘而野為之序。稱門人。義熙十四年與家人作別入室端坐而逝。

宋

唐汝舟

字濟民臨川人年四十五舉進士為世陵蘄春黃梅三縣令忽焉辭去歸湓城有一子出贅于其鄰使自為活曰毋久濶公為也已乃悉以其餘財散之廬山諸庵寺而與妻張傳食其門諸菴寺歲不過一再至至纔旬月又輒亡徙衣不加浣紉錢幣無所挈持莫測所以人間往從之即深自避匿不與見

明

蔡

緯字地文為諸生篤學敦行性尤孝居父母喪泣血三年見時亂棄家隱于甯都山中躬耕教子踰年九江城陷不與其難人咸服其先幾之哲云卒于甯都子毓志仍返里登賢書緯著述頗富因避亂轉徙未有成集

九江府志

卷四十

人物

隱逸

德化

二

陳賢孺

字子需諸生因亂隱仙居鄉之南浦甘貧樂道糲食粗衣一時先達俱爭事之與吏部郎夏安運交尤厚一日夏列金帛于庭任其資取陳却之踰年卒著有晦軒集並時務數千言惜無知者

國朝

羅子度

字雅仲郡庠隱居杏田號軫石精絲桐工詩文善畫善奕歷數十年絕跡塵市惟以彈琴賦詩丹青圍棋自娛合六書之文中州之韻而訂正之名曰七六合正字子毛乾最契詩書八十

毛

乾字用九學成不求聞達五經業律算法皆有發明尤精學者其毛子乎按乾一名惕字慎躍少領進取其父以為所業皆浮華使讀程朱諸大儒集乃卓然有志于實學父歿後棄青衿遊四方求師友質証嘗訪鄱陽史介軒講學青湖旋築室匡山躬畊自樂不求人知人亦少有知者詳見介軒

遺筆



德安

唐

鄭良

德安人江州刺史鄭善果之孫也善果卒于官良觀初善果官江州號為清白之國家焉良樂道不仕嘗與其子誼登紫巖望遠及原有白鹿躍于馬前語諸子曰吾家禮義相傳後必蕃昌吾百年後可葬于此乃名其隴曰孝志取日萬家後子孫果蕃衍析居江州者千有餘家

宋

鄭東

良六世孫父裔為樂清縣令東隱居不希仕進以詩書教授鄉里而終

元

戴羽

隱居積學辟徵皆不就著武侯通傳及史評

九江府志

卷四十

人物

隱逸 德安

三

明

鄭燧

字正凝僑之子也崇貞庚午舉人幼穎異絕倫負大志不肯隨俗作媿叟態值時擾亂誅茅岷山之下寄情詩酒溪雲壑雨蕭然作塵外人著入客吟一卷

國朝

續編

冷如柏

字光錡號和齋邑庠生天姿秀特不染塵氛工詩古少時嘗夢與韓柳諸公相聚處文思遂大進入泮後飄飄然有出世之想矣道光辛丑正攜束書外遊家人再四尋訪無跡咸豐間有縣僧往廬山萬杉寺領戒更闢一老道與談德安冷氏事獨詳歸語其子恍惚似之寺故為如柏遊處嘗捐重貲為修葺費至鬻產以償聞道人言情逼肖其子曙雲文學擬借僧往尋因匪亂未果迄今不知所終



瑞昌

明

朱世用

字用行家貧嗜學不倦絕意仕進布袍蔬食晏如也所居蓬蒿沒脛書壁三意思一窗周子草生涯半部杜陵詩著有東村遺響受傳錄舉鄉飲賓志

李世芳

邑文學謝隱深山架茅閣鑿魚池半畝與知己臨池酌酒賦詩值歲凶以積稻出貨不責償知縣虞瑤胡謂仁數敦請不出造其門延入茅閣取池魚為食直指聞其風貽高士額旌之亦豈不懸與兄時芳受父遺命教子孫時芳教誨不倦世芳資其膏火芝蘭玉樹掩映階庭間稱一門盛事人爭羨之

鄧林

性端謹善吟咏厭市居紛擾築室溫泉之崖植松數百株號松窩居士

曹臺

邑文學年八十餘好學不倦適志林泉不慕進取有隱君子風焉

九江府志

卷四十

人物

隱逸

瑞昌

四

聶永芳

字仁二文學博極羣書築雲籬別業于上峯山下蓋取杜句山籬帶薄雲也日與同志翫咏其間自稱雲籬居士著有對峯吟藁穀貽堂家訓藏于家值歲飢道殣相望永芳捐穀八百石全活甚眾邑令朱廷宗義之上其事于直慈為請諸朝予之官回辭不受

文德昌

字子明德縣李姓也性孝友負大才明末補弟子員居跡不入城郭葛巾野服坐茂林修竹日持古史一卷少園雅置名卉怪石折古變態萬狀曰吾為世外人將老于此而已

余園相

字君佐一平簡臣副貢朝相之弟也閉門高尚葛巾服陶情詩酒徜徉山水間凡五十年人欽其高節云

國朝

黃德瓚

字傅榮素履端方鄰里有危迫亟救之有爭鬪力解之性嗜書手不釋卷甘心泉石不慕榮利年四十餘舉二子長子元中乾隆癸酉科解元



鄧茂華 字立德好讀書者有詩易註解嘗曰聖賢言語須體認  
在身又癖愛山水不競名利邑合郝之芳高其行舉為  
鄉飲 賓

續編

徐道珍 前明人字應凱遭時亂隱居不仕有祖孺子風 國初  
邑合江慕其高誼備禮銘墓而去

徐 翹 字止于廩生辭貢不就入十三歲自題小  
軸有青山綠水兩大交遊之句為人傳誦

徐伺思 字咸九性恬淡不求通顯事親孝敬出于  
性成邑合郝兩舉鄉飲賓贈高士遺風匾

文德孚 天姿曠逸歲貢生選 武甯訓導不就邑合郝  
兩舉鄉飲大賓贈渭 與大老額受而不懸

徐止久 號在園邑文庠弱冠 地讀歸震川集嘆曰先生兩世以  
孝廉終何必忙煞槐 也秋闈遂不一赴閉戶恬吟而

已卒年  
九十七

九江府志 卷四十 人物 隱逸 五

文士智 士信同母弟謹厚足 小踐布塵日不識官府借士信飲  
必醉言笑忘倦銓部 德翼嘗指伯仲嘆曰此真邱壑遺

也民

文德章 性恬淡不希名利善 詩白頭猶口不絕吟嘗浩歌曰適  
意三杯酒陶情一首 加紙愁瓶裏囊不管少人知于此

可見其  
為人

徐肇梓 字倚桐歲貢生工詩 文善草書居恒撫琴自娛不慕榮  
利選永豐縣教諭 就享年七十餘卒

徐鳳書 號深泉附貢生讀書 研窮經史性閒靜少言不慕榮利  
嘗闢園鑿池招隱酌 酒賦詩陶然如羲皇上人知府錢

驥聞其高致  
譯文傳之

劉 楷 字式來號端亭一名 覺非子又號尋越山人工詩字善  
撫七絃初應試冠童 子軍院試不肯赴縣學博揚愛其

才強之卒不可嘗自題 匾有富貴非吾願琴書養性靈又  
有壁破敲詩補等句皆 吉光片羽也年八十六以壽終尋越



園為楷讀書處  
詩文俱詳縣志

湖口

明

王必速

字賓明少輕財樂施喜談忠孝節義崇禎壬午舉于鄉旋丁內艱見時事日非決志肥遯屢徵不應與曹源古愚等為方外遊築室武山麓澹菴之傍以課子為事劍山之麓林壑幽遠復築室焉名其谷曰濯纓攜賓賦詩飯蔬服垢以終其身

李一恒

字味公崇禎己卯以副榜選貢順治初辟舉不就徵入冑監亦不赴自甘削籍杜門著述罕與人事為人沈靜寡言取與不苟時人莫不尚其行云

彭澤

九江府志

卷四十

人物

隱逸 湖口

六

唐

李中白

號元通子邑人飛道寡合隱城東之富陽山建栖賓亭詳皮日林記

明

陶堃

字仲文少業軒岐年十二選菴李中丞因診脈奇之謂陽明王公求明性之旨公出舉世皆醉翁獨醒後遂號

以選老云

歐陽珍

字良玉耽意經史能詩文甘貧樂隱不趨勢利以壽終

何文學

字勉之篤志好古居石壁山下選學者輒語以孝弟可為堯舜之理著有蟋蟀秋鳴壁山樵唱等集

凌雲翼

字雲卿邑庠生篤志佔學不事生產明末絕意進取不復與諸生試事弟雲奇字印可少時不屑毛雞嘗馬上橫槊有乘風破浪之志已而豪士詩放于酒嘗吟曰藏身金穴離男子埋骨繡邱亦文天哉別號酒民晚精醫為人治病



不受謝得  
醉而已

國朝

葉日頤

字孚吉康熙庚戌與劉曉仗劍北上甲寅闢滇疆順承  
王及都統范某副都統祖某領兵五萬長驅荆襄掃靖  
餘孽攻守七年有餘日頤與劉曉從征協力調度軍機日無  
暇晷庚申春西南平曉以功得官日頤以母老辭歸日與親  
友詩酒盤桓屢薦不起范都統知其志不可奪書手  
援天下四字以贈清風亮節有幼安元亮之風焉

胡伯超

字惟聖卜居蔣灣之月山不求聞達終身饒樂

張京謨

九都嵐陵人性疎宕不屑治家人生產博覽經史莫陶  
靖節之風以宅屬舊治自號菊存居士薄田數畝命五  
子種秫以供釀室中列瓶盞日與鄰叟暢飲惟少子旗奉壺  
侍醉則為旗講析書理俾望古作規勿染近時儂薄習鄉里  
紛競得菊存一言解之咸欣服有告匱者輒傾所有與之不  
少吝妻計黽勉同志甘淡泊賢與翟氏並稱今嵐陵登科第

九江府志

卷四十一

人物

隱逸

彭澤

七

者皆旗後裔也人  
以為有晉遺意云

補遺

奉省志局抄發

晉

周邵

字子南潯陽人好隱遁庾亮請之避不相見庾密候之  
邵方彈烏林下因前與言出潯陽記

隋

蘇賓

隋末隱居廬山奇識士也洞明易道藏往知來時太原  
王勣得古鏡遊豫章潯直至廬山婆娑數月或栖息長  
林或露宿草莽虎豹接尾豺狼連迹勣舉鏡窺之莫不竄伏  
賓謂勣曰天下神物必不久居人間今宇宙喪亂他鄉未必  
可止吾子此鏡尚在足下幸衛速歸家鄉也勣然其言即時  
北歸出王度古鏡記

張孝秀

匡山處士性通率不好浮華常冠豹皮巾屐履手執楫  
欄塵尾離垢先生劉慧斐嘗還都途經潯陽遊匡山與



之過相得甚歡出南史劉慧斐傳

**翟法賜**

尋陽人遠避徵聘遁跡幽深尋陽太守鄧文子表曰奉詔書徵郡民新除著作佐郎南陽翟法賜補郎外散騎侍郎法賜隱跡廬山于今四世栖身幽石人罕見者如當逼以主憲束以嚴科馳山獵草以期禽獲慮致顛殞有傷成化乃止出南史本傳

**陶敬遂**

一作遠淵明從弟癸卯十二月淵明作詩與之云歷覽千載書時時見遺烈高操非所攀深得固窮節年甫三十卒淵明祭以文曰於燥吾弟有操有槩孝發幼齡友自天愛少思寡慾靡執靡介後已先人臨財思惠心遺得失情不依世其色能溫其言則厲樂勝朋交好是文藝其愛重至矣出靖節集

**顧覲之**

字偉仁吳人家尋陽泰始初尋陽王子房加以位覲之不受孔覲等不能奪時普天叛逆莫或自免惟覲之心迹清全獨無所與太宗嘉之出宋書本傳

九江府志

卷四十

人物隱逸 彭澤

八

唐

**盧**

振字子厚處九江南郭出則行其志以瑚璉之器為郎官以干將之圖宰赤縣入則善其身就鴻鵠之冥冥合駿驥之馳騁尋陽僑舊推仁人智者焉出唐李華盧郎中齋居記

**楊公定周仁其**

俱尋陽人茂族高門魁岸豪傑或挂冠而從三

**王元甫**

盧陵曾敏行獨醒錄云廬山王元甫有詩名隱居山中不與士大夫相接東坡自嶺南歸路過九江因道士胡洞微欲求見之元甫辭曰吾不見士大夫五十年矣不用賓贊幸為我謝之東坡歎賞而退

**鄭山人**

行十一逸其名字策別業於廬山養竹種花交遊多一時名士劉長卿送以詩曰潯陽數畝宅歸卧掩柴關谷口何人問門前秋草開忘機賣藥罷揮手杖藜還舊筍成寒竹空齋向暮山水流經舍下雲去到人間桂樹花仍發因行寄一攀出交苑英華



徵君 佚其名隱居廬山不應徵辟邱庶子為尋之賦詩云日  
高雞犬靜門掩向寒塘夜竹深茅宇秋亭冷石牀佳山  
年已遠服藥壽偏長虛棄浮生者相逢益自傷出唐詩紀事

馬 佚其名潯陽人官某縣令解官王貞白送以五言律曰  
辭秩入匡廬重修靖節居免遭墨綬束不與白雲疎送  
客各獻酒羣兒自擔書到時看瀑布為我謝清虛出廬山志

孫 逸 居廬山能詩與劉長卿交常送以詩曰鑪峯絕頂楚雲  
街楚客東歸向北巖彭蠡湖邊香橘柚潯陽郭外暗風  
杉青山不斷三湘道白鳥空隨萬里帆常愛此中多勝事新  
詩他日仁開緘出劉文房集

薛 業 廬山處士能詩而不第獨孤常州送以序稱業口不言  
祿祿亦不及識業者為之永歎而業處之淡然出唐詩  
紀事

九江府志

卷四

人物 隱逸

